

## **Učešće na programu obuka i radionica „Otvorena vlast i proaktivna transparentnost“**

Predstavnice Ureda za reviziju institucija u FBiH (Mia Buljubašić i Aida Džihanić) učestvovala su u programu obuka i radionica o otvorenoj vlasti i proaktivnoj transparentnosti u javnoj upravi, organizovanih od strane Transparency International BiH. Obuka je pružena u periodu od oktobra 2016. godine do januara 2017. godine.

Namijenjena je institucijama u Federaciji BiH koje žele izgraditi i ojačati svoje kapacitete, raditi na analizi informacija kojima raspolažu, učestvovati u definisanju i kreiranju standarda proaktivne transparentnosti za federalni nivo i raditi na izradi individualnih akcionih planova s ciljem postizanja veće transparentnosti i otvorenosti.

Radionice su obuhvatile sljedeće teme:

- značaj inicijative „Partnerstvo za otvorenu vlast“ (OGP inicijativa) za BiH i zemlje regiona;
- osiguranje fiskalne transparentnosti i jačanje integriteta javnih institucija;
- sloboda pristupa informacijama i mehanizmi uključivanja javnosti u proces odlučivanja;
- standardi proaktivne transparentnosti i definisanje akcionih planova;
- otvoreni podaci i njihova upotreba;
- digitalni mediji kao kanali komunikacije.

Obzirom da i Međunarodni standardi vrhovnih revizorskih institucija podstiču transparentnost u radu (ISSAI 20, Princip 8), Ured za reviziju je po prvi put objavio Plan i program rada Ureda za reviziju za 2017. godinu, kao i druge akte od značaja za Instituciju a koji su dostupni na web stranici Ureda za reviziju: [www.vrifbih.ba](http://www.vrifbih.ba).

Prilikom objave akata, slijedili su se i definisani standardi proaktivne transparentnosti za federalni nivo. U narednom periodu nastavit će se sa aktivnostima na osiguranju pravovremenog informisanja svih zainteresovanih strana o misiji, radu i rezultatima Ureda za reviziju, s ciljem postizanja većeg povjerenja građana.

**Sarajevo, 10.02.2017. godina**